

欽定剿平三省邪匪方略

欽定剿平三省邪匪方略正編卷三百四十八

壬戌年

十一月初一日

戊辰

德楞泰奏言竊

臣

於興山之

中子洋坪剿除青黃兩號零匪後移師由歸州

西進探剿巴東巫山交界陳姓股匪由興山之

豐玉坪取道歸州之平陽壩趕緊前進沿途分

兵四出遍探搜捕並傳詢碉寨民人稟報均無

零匪滋擾之事十九日營次巴東之江家坪據

報陳姓賊股五百餘人馬騾一百餘匹現屯巫
巴界上南山之黃泡池三灣子柳樹坪沿江一

帶相距官軍八十餘里查該處南面緊靠大江

東卽火峯界嶺北通巫山之三溪河大風口三

會舖西北可出木瓜溪琴樂坪正西係巫山縣

城若分兵數路進剿該逆萬難越竄臣先於過

歸州平陽壩時因火峯界嶺爲川楚扼要之地

必須預爲遏截卽飛飭副都統銜托爾托保協
領烏成額副將朱士奉叅將烏爾喜訥並調派
防白馬灘之副將海麟守備鄧興相等帶領兵
勇協同在於火峯界嶺至江岸之鮎魚溪一帶
扼據東面隨令副都統富僧德色爾滾馬瑜蒲
尙佐等帶領兵勇於初更時卽由三溪河取道
關坪上長梁子自東北向西南進剿令副都統

富翰富登阿副將呢瑪善叅將王占熬遊擊汪
湮金洪關等帶馬步兵勇繞出木瓜溪琴樂坪

自北而南臣督率溫春侍衛慶昌額外佐領呢

克藏阿副將達自祥何君佐叅將王玉龍遊擊

楊森郭文魁都司劉廷斌馬永魁等帶領兵勇

由三溪河前至大風口三會舖抄截富僧德馬

瑜等於二十日寅刻兵抵長梁子山梁月色如

晝離賊巢不遠遂督齊兵馬差探前面堽口草
房一間內有賊十餘人俱已睡熟當令兵勇潛
伏而進圍住草房將賊匪十一人全行生擒訊
稱陳元帥扎在黃泡池下面瓦屋內等語富僧
德色爾滾同營總蘇清阿珠山協領穆騰額德
寧阿等當帶馬隊由柳樹坪截擊蒲尙佐同副
將馬元副將銜沈洪叅將馬文斌遊擊虎正林

賀廷印都司高發榮李榮陞等帶步隊兵勇由
三灣子進剿馬瑜同副將馬應國叅將張應貴
遊擊楊登魁劉彪涂陞都司左位等帶步隊兵
勇直取黃泡池賊巢三路並進探得賊衆屯於
屋內亦均睡熟毫不知覺兵勇隨將房屋一所
圍住卽放火焚燒賊衆拚命衝出被兵勇當門
堵住刀矛並舉立殺二十餘人生擒三十七名

燒死十餘名訊出僞總兵李學進一名據供陳
元帥住在右手坎下大瓦房內其時天已黎明
馬瑜卽親帶兵勇疾馳前往圍剿詎逆衆業已
驚覺竟敢前來抵敵兵勇奮力迎剿殺賊三十
餘名賊衆吶喊退而復進者數次馬瑜見有一
賊身穿醬色氈袍青緞背心手執長矛往來指
揮督衆力敵其克悍情形實堪髮指據獲犯指

係陳元帥隨帶領兵勇奮力擒殺有重慶中營
兵丁劉泗明衝入賊隊將督戰之賊扭住建昌
中營兵丁沈中貴尹文剛輪矛繼進戮傷胸膛
左勝將該逆登時生擒賊衆復來搶奪兵勇刀
砍矛戮又殺賊三四十名內有僞先鋒羅金堂
一名並生擒首逆陳侍學逆妻李氏僞總兵李
學進羅光鋒之子羅玉兒及殺匪大小男婦馮

爾秀張黃氏等一百五十餘名口搶獲馬騾一
百二十九匹頭牛猪三十餘隻鳥鎗刀矛一百
六十餘件旗二十一面餘匪分爲兩股一起百
餘人由左手江岸向東奔逃馬瑜同富僧德色
爾滾蒲尙佐等直追至席家坪沿途殲斃四十
餘名生擒六十餘名適有守備鄧興相帶兵勇
自鰲魚溪截住殺賊六名生擒八名此起擒斬

無遺一起亦有百餘人走右手貓兒石富家塢

翻雪山大梁北窺買家溝臣督率溫春慶昌達

自祥何君佐等帶領兵勇由大風口三會舖緊

追抄截沿途殺賊二十餘名生擒四十餘名適

值富翰富登阿呢瑪善等帶兵由琴樂坪朝陽

觀南來截住賊頭前後夾擊又殺賊十餘名內

賊斃偽總兵何從盛一名生擒二十餘名尙有

安爲遞送安插至此大首先衝入賊羣擒拏首
逆之兵丁劉泗明沈中貴尹文剛三名極爲奮
勇可嘉除共賞銀一百兩外兵丁劉泗明懇

恩賞戴藍翎兵丁沈中貴尹文剛二名懇

恩以把總卽補用昭獎勵查楚境東南兩面現實無
賊惟川省賊數較多且大寧巫山與楚之巴東
房縣二竹綿亘千數百里犬牙相錯在在老山

箐林難保不無三五成羣零匪淵藪其間

臣於

所帶川兵內抽出馬步兵勇二千名並張績之

兵分爲數路令其在巫山大寧一帶川楚邊界

往來搜探設有東西逃竄之賊無論多少遇之

卽剿其火峯界嶺爲川楚門戶

臣

暫駐於彼以

爲兩省策應並分派幹練兵勇遠探兩省或有

成股之賊竄近隨時督兵剿辦並知照豐紳協

同兜截至於楚境雖有零匪約計不過四百人
北面有總兵吉林泰李天林在彼又有經畧額
勒登保駐兵陝界撥派兵勇搜捕二竹餘孽不
日卽可全行掃除俟崔胡二逆擒斬楚省大局
似可戡定惟楚境界連川陝設川境賊匪被剿
情急又有闖入楚者仍須兵力剿洗誠如

聖訓草率竣事更屬不成事體

臣等受

恩深重此時功虧一簣之際惟有竭盡血誠趕緊速
辦一俟川楚兩省所剩零匪無幾卽當報蒞仰
慰

聖懷奏入

上命軍機大臣傳諭德楞泰曰本日長至月朔適遞
到德楞泰六百里捷報據奏將陳姓賊股首夥
全數掃除生擒首逆陳侍學偽總兵李學進並職

斃偽先鋒羅金堂偽總兵何從盛等楚境逃卽肅
清各情形實爲此月大功必可告成佳兆覽奏欣
慰陳侍學係與徐添德一同起事伊父陳芳卽經
從逆稔惡已久德楞泰探知該逆在巴巫界上竄
聚卽分派將領遏其去路並飭馬瑜富翰等帶領
兵勇直取黃泡池賊巢三路並進殲斃賊匪多名
將陳侍學及逆妻李氏偽總兵偽先鋒等一併生

擒其餘匪分起逃竄又經官兵抄截殲淨是陳逆
一股五百餘人業已悉數剿除並無一名漏網所
辦實屬可嘉德楞泰剿辦教匪以來節次擒渠厥
功甚偉今又將陳逆剿盡調度有方指日大功告
藏竹沛殊恩此次且無庸交部議敘著先賞給德
楞泰白玉大吉葫蘆牌一塊白玉四喜搬指一個
黃瓣大荷包一對小荷包四個總兵馬瑜探知陳

逆蹤跡卽親帶兵勇疾馳圍剿督率擒拏實爲奮
勇著交部議敘並賞給白玉四喜搬指一個大荷
包一對小荷包二個兵丁劉泗明首先衝入賊隊
將該逆扭住兵丁沈中貴尹文剛繼進將該逆戮
傷登時生擒均屬出力劉泗明著以千總卽用並
賞戴藍翎沈中貴尹文剛著以把總卽用此外如
尙有出力人員並著查明保奏候朕加恩茲先發

去玉搬指五個洋磁搬指十個搬指套十個分賞
此次出力員弁又一兩重銀牌二百面五錢重銀
牌二百面分賞此次出力兵勇以示獎勵現在楚
境崔胡二逆不過五六十人青黃兩號零匪及二
竹一帶餘孽合計不過一二百人該省各路剿捕
之兵十數倍於賊德楞泰現抽出兵勇二千名並
張績之兵分爲數路在巫大邊界迎探遇賊卽剿

伊暫駐火峯界嶺策應川楚兩省所辦固是但楚
省賊已殘敗尅日可以肅清而川省線字黃藍等
號賊數尙多亟應分捕昨已降旨令額勒登保赴
川協剿德楞泰係屬叅贊川楚軍務俱應通盤籌
畫況伊又現任成都將軍川省爲其所轄更應加
倍關切計此旨到時楚北零匪將次剿盡德楞泰
卽當帶領勝兵向川進發一面顧住楚境邊界一

面探明線字等號賊蹤與額勒登保勒保三面夾擊以期一鼓蕝事務須儘此十一月內廓清全局蒞績奏功德楞泰卽可於臘月到京覲對後叩謁裕陵渥承恩眷朕惟計日以待德楞泰不可不勉之又勉也

初三日

庚午

吳熊光奏言竊

臣

接據探報德楞泰

派遊擊李東宣都司龍必達副將朱士春等分

帶兵勇追狎崔胡二逆及中紫陽剿敗餘匪茲
據遊擊李東宣稟報該遊擊探聞崔胡二逆向
西奔竄帶領兵勇由石槽溝一路追剿沿途斬
獲十三名復聞羊兒山有賊匪蹤跡卽分兵連
夜進擊斃賊二十三名生擒二十八名所獲首
級耳記送德楞額泰營盤查驗生獲之犯因未能
遠道解送就近交興山縣審訊其中有無崔胡

二逆未據審明稟報臣已飭該遊擊仍趕緊追
捕毋使漏網又據總兵李天林稟報該鎮於房
竹西南瓦桑河等處逐日搜捕並無賊蹤因聞
有崔胡及劉姓等零匪西竄遂帶兵向東截剿
行至獐洛河據寨首徐成章報稱有零匪一股
在毛尖山屯匿該鎮派令都司張天仲守備永
怡布千總辛得勝帶領兵勇并飭該寨首傅集

寨勇隨同官兵連夜進擊五更時行抵該處見
有民間茅屋數間賊匪俱在屋內屯歇兵勇分
三路潛進拋擲火彈先將茅屋焚著登時烟焰
燭天賊匪俱欲衝烟突出經兵勇向前抵殺斃
賊四名生擒十五名餘孽俱未能出屋逃遁天
明查看屋內燒斃屍軀甚多不能辨別確數又
於溝內搜獲匪賊二名審訊賊供此股係青號

餘黨內有偽元帥劉姓已於屋內被火燒死因
所獲之犯俱帶有重傷不能細訊此股零匪或
卽係前在中紫陽剿敗餘匪亦未可定又據總
兵德昌稟報探有熊翠分股餘匪數十名經額
勒登保派兵追剿竄至鮑魚河腦該鎮派令千
總馬成玉軍功覃振揚等帶領兵勇迎截斃賊
五名生擒四名餘匪亡命四竄又探有餘匪一

賊竄向化龍山該鎮派都司麻光裕率勇乘夜
襲擊斃賊八名餘匪分投竄逸該都司已跟蹤
追擊前進其餘零星紛竄之匪連日經房竹等
處寨民擒捕解至臣處者有黃秀鳴莫得秀等

十餘名訊明皆係積憤真賊分別正法懲罰亦
有擊斃後割繳首級者臣俱逐一獎賞該寨勇

亦知奮興踴躍臣伏查竹谿南山零星匪經畧額

勒登保移兵唐家坪一帶督剿已將前竄下三
壩黑溝等處之賊次第剿除未淨餘匪亦已分
兵搜剿房縣南面山內有總兵李天林吉林泰
副將朱士奉等分投跟剿臣屢經嚴飭該鎮將
等逐處窮搜遇賊卽剿巴東陳姓一股據探人
數不過三百餘人已竄巫山境內德楞泰統兵
進擊當可卽就撲滅以大局情形而論楚境似

已廓清至屢蒙

聖諭飭于大局裁定後派令得力將於大山老林

內逐一排搜勿留餘孽臣惟有隨時酌量機宜

與川陝二省協力籌辦以冀成功完善上紓

宵旰奏入

上命軍機大臣傳諭吳熊光曰楚境崔胡二逆僅帶

夥匪三四十人逃竄經李東宣帶領兵勇追剿沿

途斬獲共計六十四名或崔胡二逆在殲禁之內
亦未可定其陳姓股匪五百餘人昨據德楞泰奏
報已全數掃除並無一名漏網想吳熊光發摺時
尙未得知此信現在楚省散竄零匪無多吳熊光
當飭令鎮將等上緊搜捕以期楚省迅就肅清

同日惠齡奏言竊臣續據探報提督楊遇春總

兵楊芳等剿敗之賊復哨聚打散各股零匪深

匿於五大谷八大谷一帶老林爲躲避官兵之
計經楊遇春楊芳督率兵勇深入老林窮力搜
捕節有擒斬該匪等不能藏身卽分出一股八
九十人由蓮花石竄赴金雞河西趨其馬二掌
櫃一股零匪又向東竄楊遇春卽商令楊芳抄
赴東路趕辦馬二等零匪楊遇春率同副將吳
廷剛把總王明智等由兩河金雞河一帶緊蹙

西竄之賊

臣

亦由紙坊趕赴西流水居中策應

督飭東西兩路兵勇悉力搜剿並恐五大谷八

大谷林內尚有餘匪潛匿仍派都司余步雲千

總吳順在林內尋蹤搜捕並派把總葉光明帶

兵一百名駐紮蓮花石緊顧寧陝大路遊擊林

向榮帶領兵勇一百五十名駐紮泰山廟以扼

賊匪折入五大谷一帶老林要隘飭令楊芳卽

率同參將張超由竹山溝六里溝等處顧東截擊連日據東路探報楊芳等趕剿馬二零匪遇賊接仗擒斬六名該匪等分爲兩股奔逸一股約十餘人西入老林適孝義都司馬進帶兵前來截剿在東油房坪擒殺羅有才等二名又於一二更後在西溝峽望見對面山林露有火光卽帶兵潛蹤往捕生擒田雲生等三名殲斃二名

餘賊乘夜逃散其一股亦僅十餘人遁入架子
溝叅將張超緊躡追剿沿途擒獲活賊二名訊
知馬二一逆僅帶矛手六名另路逃散楊芳仍
飭令張超等分路搜拏務期弋獲因叅將祝廷
彪追有零匪五六十人向東奔竄楊芳自帶兵
勇由乾溝腦截殺該匪知有官兵攔截仍卽由
韭菜灘高溝逃竄楊芳趕至高溝追及賊蹤賊

斃賊匪二人餘賊由金雞河向西奔走其都司
余步雲等在五大谷一帶老林搜出賊匪十餘
人滾崖跌斃數人器械均經拋落又於林內搜
獲賊目荷正伏並餘賊四名殲斃十餘人軍功
袁華俊亦於林內搜殺賊匪十餘人生擒四名
餘無潛匿之賊臣復飛飭楊芳並各將弁等趕
緊搜捕先將東路肅清並將馬二一逆即時肅

獲勿合潛蹤遠颺侯東路已無牽礙即可騰出
兵力趕赴西路協剿以期次第掃除又據西路
稟報楊遇春率同吳廷剛等所追之賊竄至沙
灘子殲斃三四十人生擒十五名餘匪仍向西
面狂奔吳廷剛等緊蹙跟追楊遇春卽由四畝
地一路接續前進又委員徐聯科軍功楊連捷
在椒溝膺搜遇賊匪二十餘人鎗斃賊匪二名

帶傷者數名餘賊紛紛扒山四散臣因東路零

匪未淨且恐楊芳所追之賊竄出潞峪是以暫

在西流水一帶相機扼截與楊芳悉力剿捕俟

東路零匪淨盡亦卽趕赴西路與楊遇春督率

趕辦至陝省南面邊境一帶惟洵陽平利竹山

連界之處尙有前次打散之熊逆股內零匪藏

匿老林豎伏夜出據洵陽縣稟報寨總邵梓龍

等搜出賊匪十餘人鎗斃三人救出難民一名
又軍功任昌吉等搜殺賊匪一名擒獲僞先鋒
蕭位一名軍功郭士賢等搜殺賊匪二名救出
難民男婦六名口又寨總周正舉等鎗斃賊匪
八人擒獲謝貴一名又卡首劉雲等拏獲零匪
二名送縣審辦又都司柯藩督同守備王英搜
獲零匪范國平等七名又在川境石密河青草

坪等處搜獲偽總兵李正邦探馬陳世大等十
七名搜殺零匪十四名查刻下楚省零匪已屬
無多經畧額勒登保現由平利曾家壩移赴楚
界並派兵於竹谿邊界搜捕零匪均有斬獲各
寨勇等又俱齊心防範斷不致有竄突之處至
提督楊遇春現在西路督剿零匪相距較遠

臣

現已飛咨知會該提督將應帶應留官兵鄉勇

數目詳悉酌定後卽行起身馳赴漢南協同興

奎防剿

臣

惟有督率總兵楊芳通判雒昂等將

山內零匪趕緊搜除不使稍留餘孽以清腹地

仍督飭鎮將嚴守邊圻毋致川省零匪竄擾陝

界以期全境肅清奏入

上命軍機大臣傳諭惠齡曰此次惠齡督同楊遇春

楊芳兩路兵勇在山內搜捕零匪其殲斃之賊或

里天色已晚探得該匪向魚溪溝已入大寧縣境次日張璣等復帶兵由二郎壩加當灣追至西溪河探報該匪日夜並未停息已由石壁山深入大寧境內臣以該匪深入川境相距陝界已有二三百里隨令扎克塔爾等卽將官兵撤回暫紮虎溪山以防該匪折竄又據穆克登布稟報前次副將銜閻俊烈帶領官兵從界嶺以

南沿太平邊界向東探剿十三日行抵母猪峽
探悉相距八十里之黃柏扒老林有賊匪屯聚
不知多少該處均係老林馬不能進閻俊烈當
將銅帳馬匹寄留民寨卽率同遊擊湯占先都
司曾連光帶領兵勇於二更後徒步前往圍剿
甫行三十餘里詎該匪亦乘夜前來迎頭相遇
兵勇迎面攬殺刀矛並舉殲斃賊匪十餘名閻

俊烈督率官弁兵勇極力掩殺又斃賊數名黑
暗之中該匪抵死迎拒閻俊烈左腿被矛傷二
處把總梁循腿受矛傷一處均不甚重該處有
草棚數間閻俊烈當飭燒燃照路湯占先會連
光在後隊聽聞喊殺帶兵亦向火光處飛速趕
來閻俊烈仍忍痛帶領跟剿二十餘里復斃賊
匪十二名生擒四名該匪力不能支分頭潛遁

因樹木叢雜道路莫辨隨卽露紮查明陣亡外
委吳應學一名鄉勇八名天明復隔蹤追趕七
八十里沿途斃賊十餘名生擒七名餘匪由老
林無路處所向南三溪子遁去將獲犯並耳記
解赴穆克登布軍營訊據活賊供稱係各股剿
散之人零星湊合共有二百多人是姚姓陳姓
兩個先鋒帶領不敢出林總在界嶺以南太平

山內游奕訊明後均卽正法穆克登布現由界嶺南天門赴太平境內歸併閻俊烈兵勇向西

探剿

臣

連日差探竹山境內之波羅埡官東河

有賊匪百餘人分合無常晝伏夜出現有總兵德昌帶同叅將承祿都司麻光裕分投搜剿此外均無賊蹤再查楚省現在並無三四百成股之賊均係百十人或數十人爲羣散竄零匪統

計不過五六百人德楞泰現統大兵自必分爲
數路由東向西次第掃除刻下各殘匪連被跟
剿震懾聲威俱入川境約計川省賊股當有二

千之數必須合力趕辦

臣

若卽由雞心嶺跟剿

入川恐各該匪知有大兵前來不向南狂奔必
折而西竄一近太平則與陝疆處處毗連均須
籌顧而平利一帶現雖有總兵喜明分設官兵

防剿地方遼濶猶恐不能處處周密臣現擬酌

留格布舍率同副將張環并分撥兵勇一千餘

名仍作爲臣營盤聲勢在鎮坪豐溪陝楚邊界

往來如有川楚竄來零匪即可迎剿且該處有

此路官兵聲威較壯各殘匪必不敢折竄陝疆

而喜明等各營卡更爲得力現因陝楚聯界均

屬寧謐臣一面札知穆克登布率同閻俊烈等

帶領兵勇由南溪場至太平之羊耳壩高頭壩
向大竹河進發無論何股賊匪卽鼓勇迎剿

臣

一面帶領札克塔爾傅陞並馬步兵勇一千餘

名於二十一日傍晚西發由獅子壩取道紫陽

茅壩關入太平境內勒保分派數路官兵督剿

由梁萬西竄通巴之賊刻下當已得手設或尙

有剿剩殘匪亦必由西南向東逼剿

臣

卽夾擊

殄除並可緊顧西紫邊界前一該匪西竄則南
鄭寧羌尤關緊要並飛札興奎督率鎮將隨時
遠探嚴密防剿臣兼程前進俟抵川界查探何

股緊要卽先剿何股再前派賽沖阿在太平河

白土關探剿洵陽白河境內零匪現探該一帶

均已寧謐並無匪蹤

臣

此次師行經過令賽沖

阿卽赴太平壩督率喜明等在安平一帶防剿

以昭慎密至南山餘匪疊據楊遇春呈報數旬
來分路斬擒一百數十人並生擒賊目苟文清
謝添貴等本日又據楊遇春呈報續經派出之
副都統銜噶拉副將吳廷剛都司余步雲守備
張必祿四路兵勇分投搜剿共計斬獲賊匪七
八十名生擒賊目王起立苟正伏邱致遠王智
清數名楊遇春現由四畝地一帶督率總兵楊

芳李應典等官兵分爲十餘路櫛比排搜查該
匪依林延喘情狀萬分狡獪屢次搜剿所餘實
已零星無幾臣已飭知楊遇春務須鼓勵兵勇
於旬日之間趕緊全數殲除毋得稍留遺孽奏
入

上命軍機大臣傳諭額勒登保曰此次札克塔爾穆
克登布等分派將領追剿零匪各有斬獲餘匪俱

竄人大寧及太平山內陝楚邊界已就肅清惟刻
下各匪被剿緊急俱入川境約計川省賊股有二
千之數必須合力趕辦額勒登保帶領札克塔爾
等並馬步兵勇一千餘名取道紫陽入太平境內
與勒保併力夾擊所辦甚合機宜此時各處已無
成股賊衆惟分竄官壩之賊六七百人爲數較多
額勒登保務當趁該匪竄聚之時上緊剿盡速藏

大功至額勒登保現留格布舍等分撥兵勇一千
餘名作爲經畧大營在陝楚邊界往來以壯聲勢
使殘匪不敢折竄陝疆則額勒登保帶兵赴川亦
可作爲格布舍等營盤偃旗息鼓使賊匪不知虛
實誘令竄逼以期一鼓殲擒至楚省餘匪無多額
勒登保令賽冲阿赴太平壩督率喜明等在安平
一帶防堵自應如此辦理其陝省南山餘匪昨據

惠齡奏報楊遇春楊芳兩路兵勇各有擒斬得獲
勝仗至額勒登保摺內稱副都統銜噶拉等分路
搜剿共計斬獲賊匪七八十名生擒賊目王起立
等惠齡未經奏及看來山內零匪亦已無多現在
楊芳等分十餘路排搜自無難全數殲除現在各
路分剿之兵本不爲少又加以額勒登保一路官
兵併力協擊再接再仗一二次將黃藍線字等號餘

匪痛加剿殺全數廓清大局戡定卽由六百里加
緊馳遞紅裏黃面大喜捷音本月二十八日長主
恭值

南郊大祀計期不過兼旬額勒登保若能於長至以前
遞到捷報朕卽可於詣

壇將事之時默叩

天

祖

皇考垂佑深恩用告成功並以此宣示中外額勒登保
彼時振旅還朝於年內進京覲對後叩謁

裕陵渥承優眷刻下氣候漸寒額勒登保帶兵打仗不
避風雪朕心甚爲廩念特發去貂皮馬褂一件用
獎勤勞額勒登保祇領後倍賞一鼓作氣銳志藏
功朕惟計日以待捷音之達至統俟軍務全竣再

加堪賞額勒登保當此垂成之功尤宜勉益加勉也

欽定剿平三省邪匪方略正編卷三百四十九

壬戌年

十一月初七日

甲戌

勒保奏言竊查黃藍線字等

號合夥之賊經達勒精阿武隆阿等剿敗該匪

分作兩股一股三四百人竄走太平一股六七

百人竄走巴州嗣經官兵分路兜圍該匪等復

又在太平官壩地方合夥有人陝之勢適經畧

額勒登保派委提督穆克登布帶兵在西鄉蒞

陽一帶防剿

臣

亦卽知會達勒精阿等就近探

蹤攔截以收夾攻之效茲據達勒精阿武隆阿
等報稱官兵連日緊躡賊蹤前進該匪由官壩
竄至陝界清灘河平羅一帶達勒精阿武隆阿
追蹤入陝該匪聽聞西鄉有經畧派兵防堵不
敢深入陝境卽折向鐵匠壩穿孔巖一路竄走
達勒精阿武隆阿等於十六日分派兵勇乘夜

掩襲詎賊匪狡狴異常於山下空屋內點放號
火其夥衆均在山上屯紮一見官兵行至其地
卽紛紛起竄官兵緊躡追襲僅斬獲落後賊匪
十餘名該匪已經竄遠是夜天氣陰雨山路昏
黑恐有伏匪不便窮追次日復探蹤前進賊匪
飄忽總無一定去向二十日官兵行至皮貨舖
探得賊匪現屯刁林溝達勒精阿武隆阿等密

看該境林深箐密馬力難施當卽傳喚土人細
詢路徑派令都司楊正雄分帶步隊兵勇繞出
賊後山梁自上壓下達勒精阿武隆阿等督兵
策應五更後楊正雄帶領兵勇至山梁乘勢掩
襲殺賊數十名該匪奔上對面山梁佔踞當有
軍功劉萬年王登高等帶領鄉勇首先衝殺箭
斃賊十餘名奪獲賊旗十八桿楊正雄率兵繼

進復殺斃賊數十名生擒三十六名滾巖跌斃者約百餘人餘匪紛紛亂竄向元灘子黃泥池等處分路逃遁查詢活賊內有何國政等十九名均係老賊於訊明後卽將該匪等正法其餘被脅難民李得高等十七名解交太平廳遞籍釋放查此起賊匪尙有八九百人恐達勒精阿武隆阿等一路兵力不敷剿辦現在副都統銜

達斯呼爾岱副將羅聲臬等已帶兵由竹峪關

一帶取道前進

臣

又飭出朝貴由太平探蹤進

兵會同剿辦其陝境西紫一帶有穆克登布之

兵在彼堵截計此路官兵四面兜圍諒不難在

期集事至梁山墊江江北長壽等處剿散零匪

臣

前派參將桂涵帶領兵勇隨地搜捕茲據稟

報該參將於十八日行抵長壽縣所屬傅和場

探得該境宋家溝有賊匪一起約七八十人在
彼藏匿相距六十里桂涵卽連夜帶兵往捕十
九日黎明賊匪正在空屋內屯紮桂涵與都司
周士貴分兵抄擊四面兜圍殺斃賊匪七名其
餘男婦六十五名口全數擒住將活賊解送來
營臣當加查訊內有探馬頭王清彥朱欽章等
供稱此起零賊共七十多人係青號總兵熊卜

祿帶領熊總兵在草屋內衝出奪路要逃已被

官兵殺了等語臣當將老賊王清彥等三十七

名審明正法其餘被脅男婦二十八名口遞籍

釋放再據豐紳來信稱近日楚境有賊匪二百

餘人竄至冒古坪相距川界不遠豐紳派令遊

擊晉之連由雞心嶺帶兵追擊該匪聞川省有

官兵堵截卽連夜折回向家塢晉之連趕過界

嶺追至某子壩賊匪遠遁他境有總兵吉林泰帶兵剿辦又陝西毛壩一路有賊百餘人由黃墩竄入豐紳帶兵在捕行抵螞蝗壩該匪一見官兵卽亡命竄回官兵追趕殺斃七名生擒四名查訊此起係白號剿散零匪並無賊首在內豐紳當派都司王國輔分兵前往搜捕又據防守城口之叅將閔恒希稟報陝境邊界有賊

匪一起約百餘人由南天門竄入南溪後河一帶滋擾穆克登布派令副將銜閻俊烈帶兵追剿前來閻恒希卽與都司關成勳帶兵迎堵該匪聞信折回大小堽山木葵河翻漆扒老林遁逃閻俊烈仍跟蹤追去查大小堽山等處與大寧相近臣已知會豐紳探蹤堵擊又前此由楚竄人不知姓名賊匪四百餘人又由陝竄入之

王國賢餘匪三百餘人均向雲陽奉節一帶竄

走臣派令遊擊羅思舉陳弼跟蹤剿辦該匪分

出二百餘人竄至巫山所屬尖山寨蓋天門一

帶經總兵張績派令都司傅廷標分帶兵勇迎

擊在青崖廠地方殺斃賊二十餘名生擒十一

名該匪因官兵攔截不能東竄仍折向奉節所

屬黑樓門青莊坪一路竄走張績因探得叅贊

德楞泰有至巴東剿辦陳侍學股匪之信恐賊
匪剿急入川張績仍將兵撤回巫山邊界防守
其竄走黑樓門青莊坪之賊臣仍飛飭羅思舉

陳弼等趕緊剿辦至此時川省賊勢惟黃藍線
字等號合夥賊匪一起卽向來楚省所報冉井
之賊並湊合他股餘匪爲數稍多臣現在會集

兵力剿辦其羅思舉陳弼等所追二起共有六

七百人亦係成股之賊

臣

惟有飭催達勒精阿

武隆阿四朝貴達斯呼爾岱羅聲舉等先將黃

藍線字等號賊匪辦完騰出兵力再協同羅思

舉陳弼等將竄走奉節之賊兩起辦淨後其餘

卽有一二零星遺孽潛匿山林者均無緊要首

逆在內一經分兵剿辦卽可次第肅清奏人

上命軍機大臣傳諭額勒登保德楞泰勒保曰此次

黃藍線字等號分作兩股竄走有入川之勢經達
勒精阿武隆阿等躡蹤追剿該匪等聞西鄉有經
畧派兵搜捕不敢深入陝境仍行折回復經達勒
精阿等連次剿殺多有斬獲尙有餘匪七八百人
勒保現飭達斯呼爾岱幫同剿辦其餘或四五百
人或三百餘人或二百餘人或百餘人均在川省
分竄以目下情形而論陝楚零匪均屬無多賊股

俱聚於川境統計尙有二千餘人前次賊匪攢聚
楚省之時大兵四處兜剿原冀在楚蕞功今散匪
均竄入川卽可在川境辦竣斷不可又任其折竄
陝楚至刻下天氣漸寒額勒登保德楞泰勒保帶
兵打仗不避風雪朕心甚爲厪念除額勒登保昨
已賞給貂皮馬褂外茲又發去二件賞給德楞泰
勒保用獎勤勞伊三人惟當勉之又勉於迅速之

中辦理盡善佇盼喜音卽至

同日吳熊光奏言竊查崔宗和等敗殘餘匪經官兵乘勝追捕勢益零落惟巴東陳姓一股人數稍衆往來於巴巫境內尙屬成隊賊匪茲據探報德楞泰督率各路官兵追至黃栢池地方將陳姓賊股合力圍剿殲斃甚多並生擒僞元帥陳侍學暨先鋒頭目數名夥賊數百名其餘

剿散竄出零匪無多官兵現仍分投搜剿又據

報前

臣

派帶鄉勇往巴東搜捕之守備鄧興相

因探有零匪三十餘人竄至鱸魚溪一帶該守

備率勇往剿斃賊五名生擒四名餘匪四散分

逃沿途投出賊匪五名所有生擒及投出各犯

就近解至德楞泰營盤審訊辦理又據房縣稟

報該縣白龍洞寨首徐成章探知雲池溝一帶

有零匪數十人藏匿該寨首乘夜率勇襲擊該
匪驚覺四竄寨勇等四面圍捕生擒崔宗和之
叔崔連約頭目郝義信等八名傷斃賊匪五名
滾崖跌斃者三名正在追殺間適經畧額勒登
保派兵趕到互相截擊復斃賊數名當將獲犯
解送額勒登保處查訊伏查楚境賊氛自戴
四一股殲除後崔胡二逆各帶三四十人逃竄

窮蹙已屬萬分嗣經官兵寨勇追捕復有斬獲
今併將崔逆之叔崔連約及夥內頭目郝義信
等擒獲惟崔胡二逆是否已在藏斃數內尙未
准額勒登保將審訊賊供知會而連日房縣南
漳各處寨勇搜獲零匪多名解縣審訊皆係崔
胡二逆夥內散逃之匪則其敗殘星散情形已
難成股竄擾至於陳姓一股在巴東巫山接壤

處所輾轉竄匿今經德楞泰乘勢移兵圍剿當
將賊首陳侍學生擒餘衆亦殲擒殆盡是楚境
成股賊衆業已悉數掃除所餘三五爲羣殘匪
將全勝之師分路排搜可冀根株盡絕至現在
川北一帶尙有賊股奔竄未便稍存大意臣仍
飭各路鎮將嚴密搜捕不得以境內已無成隊
股匪稍有鬆勁奏入

上命軍機大臣傳諭吳熊光曰楚省餘匪惟陳姓一
股人數稍多今已剿除淨盡其崔胡二首逆雖未
生擒或卽在殲斃數十人之內亦未可定看來楚
省情形已就肅清吳熊光惟當督飭各鎮將嚴密
搜查如尙有一二潛逃餘孽務須勉力辦淨以絕
根株所有擬定大功捷奏已令額勒登保等卽在
川省聯銜拜發吳熊光於楚境零匪搜淨後查無

他處竄來之賊卽先行知照額勒登保等於拜發
紅裏黃摺時將該督銜名一併列人同奏歲功

初九日丙子德楞泰奏言竊臣昨將巴巫界上屯

踞江岸之陳侍學首夥賊匪一鼓掃除於二十

二日具奏後維時全楚賊勢雖不過四五百人

似可戡定第恐老山密林之中兵行未到之處

不無散藏遺孽而川境賊匪設有被剿窮蹙聞

入楚省勢所不免再四思惟惟有先將楚省各

兵分派入山再爲細加排搜

臣

統領原兵入川

將各股零匪協力趕剿淨盡俾大局一齊告蕪

均無後患方爲妥善故派副都統銜托爾托保

副將朱士奉等帶兵入山由長峯堆子自南而

北向房縣二竹一帶老林排搜令副都統富翰

副將呢瑪善等帶兵自西而東前赴巴東歸州

興山界上各山內外遍行搜捕其吉林秦李天
林德昌等三路官兵盡在二竹一帶分投搜剿
至於川省如大寧巫山邊界之馬塘黃草坪八
石坪陰條嶺尙有零匪出沒臣派令防堵楊溪
河之總兵張續將兵分爲兩路入山在於川楚
界上遍搜二十八日據遊擊李東宣姜元祥都
司龍必達等稟報跟蹤崖胡賊蹤沿途緊追陸

續擒斬併渙散外只剩二三十人鑽林越箐日
夜狂奔十六日行抵興山之長房河矣遇另起
零匪八九十人當帶兵勇趕追二十餘里沿途
殺賊十六名生擒二十名餘匪遁入茵扒老林
訊係臣前在中子洋坪剿散孫劉二逆餘黨旋
又探得羊兒山亦有零匪五六十人屯踞十八
日李東宣姜元祥等分帶兵勇星夜前往埋伏

是夜五更兵勇齊至羊兒山將房屋圍住立殺賊十八名生擒十五名訊係各號聚集餘匪並無首逆在內除難民二十四名就近解交興山縣遞送回籍外獲犯十一名訊係積年戰手一併正法仍飭李東宣等務將崔胡二逆趕緊殲除其孫劉餘黨札飭副都統銜托爾托保副將朱士奉等就近剿辦

臣

於十月二十七日卽督

率色爾滾富僧德富登阿馬瑜蒲尙佐等帶領
兵勇由巫山取道大寧自南而北將大寧太平
山內零匪分兵排搜仍一面探蹤迎剿黃藍線
號各逆自可迅速厥功

同日勒保奏言竊查王國賢餘匪三百餘人及
不知姓名賊股四百餘人分起竄入雲開一帶
臣飭派遊擊羅思舉陳弼等帶兵迎剿該匪由

奉節巫山東竄經總兵張績派兵迎截該匪卽折竄大寧一帶茲據羅思舉陳弼稟報該遊擊等於十九日行抵大寧所屬冉家壩探得王國賢餘匪正竄走挖斷堽地方羅思舉陳弼等連夜進兵掩其不備二十日卯刻兵抵該境賊匪奔上山梁佔據我兵奮力仰攻殺斃賊三四十名生擒賊七十六名餘匪翻山向木旺坪加當

灣等處竄逃查訊獲賊內有黃號掌櫃董友文
據供此起賊匪係黃號王國賢股內的人初由
楚竄陝復由陝竄川當將獲賊解交大寧縣收
明聽候審辦羅思舉陳弼等正在帶兵追剿間
二十一日行抵寶塔探得不知姓名賊匪一起
已竄至核桃壩執有西鄉唐字旗號知係黃號
唐明萬股賊羅思舉陳弼等因相距較近卽移

兵追剿是夜探得賊紮石柱坪於二更後進兵
次日黎明官兵進抵石柱坪賊匪不知兵至正
在山坳造飯尙未起竄羅思舉與陳弼分兵兩
路左右兜圍鎗箭齊發殺斃賊匪七八十人見
有騎馬賊首一人帶衆奪路欲逃當有鄉勇顏
貴夏貴康貴李毓林羅貴等爭先追趕將該匪
矛傷落馬當時擒住餘匪紛紛四竄兵勇分投

追捕生擒賊衆共一百二十五名餘匪尙剩二
百餘人仍折向核桃壩一路逃遁羅思舉陳弼
等當將所擒賊首查訊據供係黃號元帥唐明
萬原是湖北人於乾隆四十二年移居陝西省
西鄉馬趾堡會充鄉約向來學習白蓮教嘉慶
三年在西鄉起事帶領同教一千五百多人投
入黃號龍紹周營內充當元帥連年與官兵打

仗也不計得次數只因連被官兵剿殺損失甚
多分路逃走上年竄過湖北近日因湖北官兵
搜山遂與曾芝秀腹內並藍白二號餘黨合夥
共有四百多人同過陝西又聞陝西兵多想竄
四川到開縣地方官兵追至仍折回大寧要過
湖北昨夜走到石柱坪不想官兵趕到將眾人
殺散我被擒住等語又於活賊內訊出偽總兵

唐登明僞先鋒李和富趙泳清并餘賊一併解
交大寧縣收明審辦並將剿賊情形及所訊首
逆供詞具報前來臣查唐明萬一犯係黃號著
名首逆在西鄉起事與龍紹周等狼狽爲奸連
年竄走陝川楚三省到處焚掠荼毒生靈實爲
積惡貫盈之犯本年叅贊德楞泰帶兵過楚查
得該逆帶有六七百人在堆子山潛匿登經官

兵搜捕該逆輾轉遁逃尙未得實在蹤跡茲於
萬分窮蹙後復敢糾合別股散匪繞道陝西竄
入川境實屬可恨今經官兵痛加剿洗將該首
逆臨陣生擒實足以快人心而彰

國憲俟

臣

提解到營訊明辦理其剿剩兩起餘匪

尙有四百餘人現向木垵坪加當灣核桃壩一

帶分竄蹤跡相距不遠

臣

已飭羅思舉陳弼等

上緊跟蹤探剿無論該匪或分或合總須全數
殲淨勿任稍留餘孽至達勒精阿武隆阿等所
追黃藍線字等號合夥之賊昨在刁林溝剿敗
後該匪竄走西鄉邊界彼處有穆克登布一路
官兵防堵諒該匪不能深入陝境臣現在嚴催
達勒精阿武隆阿等趕緊追躡并知會穆克登
布兩面夾擊以冀迅速殲除均奏入

上命軍機大臣傳諭德楞泰曰前因德楞泰剿淨陳
姓股匪後暫駐火峰界嶺策應川楚兩省當卽降
旨令其帶領勝兵赴川東剿辦竄匪德楞泰未奉
此旨之前於十月二十七日卽督率色爾滾等帶
領兵勇由巫山取道大寧入川自南而北將大寧
太平山內零匪分兵排搜所辦甚合機宜本日勒
保奏川東黃號壽匪及不知姓名賊股共有七百

餘人經羅思舉等奮力追擊將首逆唐明萬生擒
痛加殲戮所剩只有四百餘人德楞泰帶兵赴川
正可督率羅思舉等一鼓殄滅前此川省各股零
匪共有二千餘人除此大羅思舉等擒斬三百餘
人外合計不過一千數百人額勒登保帶兵先由
紫陽赴太平一帶協剿自應與勒保先行會合德
楞泰又帶兵踵至伊等協力同心三面合擊兵威

此盛務須將黃藍線字等號餘匪悉數殄除勿留
餘孽斷不可令川省之賊復行折竄入楚德榜泰
總當顧住楚省向川進壓爲要此時川省賊匪被
官兵逼剿勢已萬分窮蹙德榜泰於追捕緊急之
中量爲招撫如果有臨陣投出者卽可照張長青
之例免死安插使賊匪知有一線生路相率來投
多投出一名卽少誅戮一名俟川省全境肅清更

無成股之賊并接到吳熊光惠歸兩路餘匪淨盡
知會卽會同額勒登保勒保聯銜馳遞紅裏黃兩
奏摺仍須將大山老林內潛匿零匪搜捕無遺不
可稍有草率現距

南郊大祀尙有兩旬德楞額泰務當與額勒登保勒保迅
速趕辦於冬至前奏大喜捷音同膺懋賞

上又命軍機大臣傳諭勒保曰此次王國寶餘匪三

百餘人及不知姓名賊股四百餘人分起竄入靈
開一帶勒保派令羅思舉陳弼等帶兵進剿殲擒
賊匪一百餘名又探知不知姓名一股有首逆唐
明萬在內羅思舉等連夜進兵分兵兩路奮力兜
圍殺斃賊匪七八十人生擒一百二十五人當將
唐明萬并偽總兵一併擒獲所辦實屬可嘉唐明
萬係積年著名首逆與龍紹周等連年在川楚陝

三省恣擾焚掠稽誅已非一日今復臨陣生擒可
見此等兇惡首犯爲

天理所不容勒保調度有方著賞給白玉大吉葫蘆牌
一塊白玉四喜搬指一個白玉翎管一個黃辦大
荷包一對小荷包四個遊擊羅思舉陳弼緊躡賊
蹤奮勉出力均著交部議敘并各賞給白玉四喜
搬指一個大荷包一對小荷包二個其爭先追趕

將唐明萬截傷落馬擒住之鄉勇顏貴夏貴康貴
李毓林羅貴著該督查明如未經得有頂戴卽賞
給頂戴如已有頂戴卽著賞給藍翎又發去磁鼻
烟壺十個磁帶鈎十個分賞此次出力員弁又一
兩重銀牌二百面五錢重銀牌二百面分賞此次
出力兵勇以示獎勵

同日惠以所奏言竊查總兵楊芳叅將祝廷彪等

自東路截回之賊由金雞河琵琶嶺狂奔而總
兵李應貴等追赴西路之賊復經截回又向吊
橋溝一帶東竄臣卽趕赴百丈礮就近督率各
路官兵分投剿洗嗣據稟報李應貴率同守備
張必祿李璋等追賊至張九溝探得賊匪已由
吊橋溝竄至南溝屯聚李應貴等分兵三路進
剿時方四鼓賊匪正在民房炊火造飯兵勇一

齊撲殺鎗矛並施立斃賊匪十餘人生擒李奎
芳等九名隨將板房數間放火焚燒賊匪大半
不及拾擊器械紛紛四散逃逸查驗燒死賊屍
二十餘具查訊此股係首逆張世熊會合各股
打散零匪百餘人此次經官兵剿敗乘夜逃往
金雞嶺老林臣即將獲賊暫留營內以備議認
張世熊仍飛飭李應貴等趕赴金雞嶺一帶搜

捕詎該逆又遁入分水嶺老林適楊芳等帶兵
趕到截殺又殲斃二十餘人餘賊遁入光頭山
楊芳李應貴等分投追趕前往又叅將祝廷彪
守備劉滿賁帶領鄉勇在黃楊壩探知賊匪四
十餘人屯聚北溝口祝廷彪等於二更後潛抵
賊屯賊匪猝不及防兵勇直前撲殺斃賊四人
擒獲活賊曾有書等十六名查訊此股係首逆

張世雲帶領此次被官兵剿殺張世雲僅帶矛
手十餘名黑夜逃散不知去向祝廷彪卽分兵
四路各帶獲賊作爲眼目隨處搜捕又馬二一
股零匪經叅將張超等剿散後該逆僅帶六人
另路逃逸餘賊亦四路星散茲據張超稟報在
一堵牆老林內搜殺賊匪一人擒獲探馬頭吳
永仁並馬二外甥劉滾子等五人又在黑溝林

內搜遇賊匪立時殲斃三人賊匪持矛衝出經
藍翎把總陳連陞首先搶上生擒僞先鋒韓金
堂又兵勇等生擒旗手王朝棒等七名惟總未
得馬二蹤跡臣嚴飭張超派撥兵勇赴紅石板
溝一帶老林悉力搜捕又千總吳順由月河追
往黑山一股零匪二十餘人在四海坪老林追
及賊蹤殺賊九名又軍功游金龍在兩河老林

搜殺賊匪五人此二股均係零星湊合並無首

逆在內臣已嚴飭該千總等趕緊搜尋全數殲

滅又委員雷燦在張家坪搜遇賊匪九人鎗斃

二人餘賊七人扒山逃走通判雅昂在鳳凰山

搜殺賊匪五人生擒二名均係零星剿散之賊

至副將吳延剛等所追苟朝九一股餘匪在小

盤地方剿敗之後止剩數十人向西狂奔適與

侍衛哈豐阿等所追靳思黃股匪八九十人合
夥又會合太白山零星打散之賊由水磨溝同
奔棧西陳倉溝楊遇春商令副都統銜噶拉副
將吳廷剛並侍衛哈豐阿海靈阿都司趙有倉
等緊躡賊蹤追剿楊遇春自帶兵勇由老林提
徑抄赴漢中褒城一帶以備截擊臣恐該匪等
直向西趨以致闖入甘境先經飛飭鞏秦階道

朱爾漢遊擊七十九等帶兵趕赴兩當邊境探
蹤攔截茲據稟報朱爾漢等探知賊匪在睡佛
洞一帶屯聚一面商令遊擊七十九帶兵前赴
虞關以防該匪竄入徽縣之路一面帶同都司
成宗武催兵疾馳趕至睡佛洞賊匪瞥見官兵
卽搶上對面山梁時已薄暮朱爾漢自帶一半
官兵守住山口派令成宗武帶領一半官兵於

二更後繞至對山後面黎明搶上山頂自上壓
下鎗礮齊施賊匪正在抗拒前面官兵不防後
面兵到登時潰亂四散在奔我兵分投追殺鎗
礮擊斃及帶傷落崖跌斃者十餘人並鎗斃頭
戴藍翎賊目二人賊匪未能西竄分兩股折向
南面熊家山水碕子逃往畧陽境內楊遇春聞
信已由黃沙趕赴沔畧一帶擇要設伏悉力掩

殺該處地勢較之南山老林尚覺易於展布自
可一鼓殲擒奏入

上命軍機大臣傳諭惠齡曰陝境南山內分竄零匪
惠齡督率鎮將分投搜捕雖各有斬獲但俱不過
數十名或十餘名人數不多且張世熊張世雲等
尚各帶餘匪分竄俱應上緊擒拿以淨根株其楊
遇春截剿之苟朝九靳思黃會台西竄賊股尤當

催令會同噶拉哈豐阿等迅速剿捕務於畧陽境
內一鼓殲除以便楊遇春速赴寧汜邊界協同興
奎嚴防川省剿竄之賊此爲最要

十二日

巳

額勒登保奏言竊

巳

由安康紫陽邊

界向西進發途次蘭河口接據探報有賊匪千
餘人執打紅黃旗幟於二十一日由川境乾溝
口竄過陝界鹿池山奔向漆陽坪一帶直向北

趨並接穆克登布稟報率同副將銜閻俊烈等
帶領官兵由川界老鴉口五里壩向西探剿二
十一日行次雙河塘亦探悉川匪已向北竄隨
帶兵星夜由高橋向家壩取道顧北抄截

臣查

此股賊匪係前由雲南奔竄之賊經川省官兵
逼剿竄入陝疆該匪現奔之漆陽坪距紫陽江
岸不過二百餘里穆克登布雖帶兵抄截恐其

已落賊後萬一該匪連夜狂奔窺伺江岸殊關
緊要隨一面飛飭各營卡官兵嚴密堵截

臣即

督同扎克塔爾帶兵取道由銀硃壩尾房店倍
道兼馳向西北緊顧江岸而進途次據各員弁
稟報防守蠟溪壩總兵劉瑞防守五塊石副將
劉管城防守九真壩已革總兵楊奎猷等探悉
賊匪北竄均於二十三日帶兵前赴星子山觀

音堂小河口扼要迎頭攔截該匪知有官兵前來卽折由九宮坪養魚池九園子一帶向西南奔竄穆克登布帶兵星夜由五塊石星子山探蹤追剿二十六日趕至仁村探悉該匪由寨灣狂奔穆克登布挑派奮勇兵勇令都司李廷珍守備柯連仲率領在前緊躡穆克登布帶領大隊顧住西北進發二十七日都司李廷珍守備

柯連仲趕至馮家嶺石笋寨追及賊尾該匪見
有兵來搶上山聚集衆抗拒我兵奮勇仰攻當
斃賊匪十餘名生擒十五名正在攪殺之際穆
克登布督催大隊趕到賊見我兵雲集紛紛敗
竄我兵竭力追殺沿途又斃賊十七名生擒五名
搶獲鳥鎗十餘桿刀矛三十四件紅白藍旗五
面該匪由王家巖大梁向小溪河通江邊界奔

竄時已酉刻當令兵勇暫歇次日五鼓仍行跟
追二十九日追至青崗坪該匪搶佔亮埡子大
梁抵拒穆克登布察看地勢我兵均在溝底若
直上仰攻不能得手必須設法誘敵遂將兵勇
分派三路先令侍衛吉勒章阿色楞保同副將
銜閻俊烈游擊劉元明都司李廷珍帶兵三百
名順梁仰攻誘賊賊見官兵撲上果集衆全數

下壓我兵搶上對面山梁穆克登布密令侍衛
武陵阿遊擊王兆龍都司吳振亮各帶馬步官
兵分左右二路順溝抄截賊匪誤認我兵退却
攻撲愈急穆克登布率同色克通阿佐領奇克
坦守備柯連仲迎面壓下武陵阿王兆龍等亦
由左右兩路奮力夾擊賊匪依恃長矛竟敢兇
橫抵拒不退馬隊官兵奮勇衝殺鎗箭並施當

經斃賊二三十名吉勒章阿間俊烈等亦率領官兵衝至匪衆大亂紛紛翻陡壁山梁遁竄穆克登布督率各路官兵由楊家寨分投追殺沿途又斃賊四五十名生擒一百二十一名滾巖跌斃者約數十名該匪捨命由改桑壩洪口一帶向南逃遁時我兵已行一百四五十里隨撤上亮壩子暫紮查點此仗共殺賊八十餘名臨

陣及沿途搜獲活賊共一百三十餘名得獲鳥鎗刀矛旗幟七十餘件當將二掌櫃葉紹隴偽先鋒謝登貴二名凌遲處死其李應南等八十六名亦均係臨陣持矛拒敵之犯一併正法其餘發生等五十二名均係新近被擄當給粟釋回達勒精阿武隆阿帶兵亦於是晚趕來會合穆克登布遂與商定令達勒精阿武隆阿帶兵

緊跟追襲旋探達斯呼爾岱羅聲阜現帶兵勇

三千餘名從通江已至永安壩由西面紅山塘

前來迎剿亦經知會前進穆克登布由竹峪關

黃鐘舖抄襲以期三面夾擊立時掃除均於初

一日分路進發並將口供耳記一併解送

臣軍

營臣查川中賊股惟該匪人數較多竟欲奔竄

陝境幸經各路防剿官兵趕緊堵截折回未令

聞人並予痛剿已挫兇鋒刻探該匪已向通江
之改桑壩洪口一帶遁去達勒精阿武隆阿緊
追又有達斯呼爾岱由西面前來穆克登布又
顧定東面抄截兵力已極壯盛臣已飛行知照
穆克登布務與達勒精阿武隆阿達斯呼爾岱
三路官兵合力同心不分畛域將此股賊匪窮
其所向剋日掃除不得再留餘孽奏入

上命軍機大臣傳諭額勒登保曰此次黃藍線白等
號股匪共有一千餘人由雲萬一帶奔竄經川省
官兵逼剿緊急又思竄入陝疆向漆陽坪等處逃
逸距紫陽江岸不過二百餘里額勒登保一面飛
飭各營卡嚴密堵截一面督率將領向西面紫顧
江岸而進穆克登布帶兵星夜由五塊石等處探
蹤進剿追至青崗坪該匪膽敢搶佔山梁逞兇抗

拒穆克登布分兵三路抄擊共斃賊八十餘名擊
獲一百三十餘名生擒葉二掌櫃并偽先鋒謝登
貴等雖磁盤獲不過二百數十人而川中賊股惟該
匪人數較多設使奔竄陝境必致又形散漫幸穆
克登布趕上截回未令闖入并連次擊剿大挫兇
鋒此皆穆克登布之功殊屬可嘉著先交部議敘
俟大功告竣再加懋賞此時該匪已向通江之洪

口一帶遁竄達勒精阿武隆阿等亦經趕到達斯
呼爾岱羅聲畢等又從通江帶兵前來迎剿正可
與穆克登布三面夾擊一舉成功如日內又獲勝
仗可先由六百里具奏并將何日即可告成之處
預行奏及以慰廑注